

## Истеҳозанинг ҳукмлари | Ҳадис дарслари (255-дарс)



19:00 / 08.11.2023 3155

أَهْنَعُ هَلَلَا يَضَرَّ شَيْئًا نَع  
يَبْنَلَا غَمَ فَكَتُّعَا تَلَاق  
مَلَسَوِ هَيْلَعُ هَلَلَا يَلَص  
يَرَتْ تَنَّاكَ فِ هِجَاوَزَا نَمُّةَ أَرْمِ

# أُمَّ بُرُو ، عَزْمُ خُلَاوِ عَزْفُ صِلَا يَهَوِ أَهَاتُ حَتَّتْ سَطَلَا أَنْغَضَوِ دُوَادُ وَبَأْ هَاوِرِ . يَلَّصَتْ يِيَّ أَسْنَلَاوِ يِرَاخُ بَلَاوِ

Оиша розияллоҳу анҳодан ривоят қилинади:

**«Набий соллаллоҳу алайҳи васаллам билан у зотнинг завжаларидан бири эътикоф ўтирди. У (аёл) сарғиш ва қизғиш (қон) кўрар эди. Гоҳида у намоз ўқиётганда остига тоғора қўйиб қўяр эдик».**

*Абу Довуд, Бухорий ва Насайлар ривоят қилганлар.*

Ушбу ривоятда зикри келган, Пайғамбаримиз соллаллоҳу алайҳи васаллам билан бирга эътикоф ўтирган онамизнинг ким эканликлари ҳақида уламоларимиз бир неча хил таҳминлар айтишган. Баъзилари у онамиз Савда бинти Замъа розияллоҳу анҳо, деганлар, бошқалари Умму Ҳабиба Рамла бинти Абу Суфён деганлар, учинчилари Умму Салама розияллоҳу анҳо, деганлар.

Эҳтимол, учалалари турли вақтларда алоҳида-алоҳида Пайғамбар соллаллоҳу алайҳи васаллам билан бирга эътикоф ўтирган бўлишлари мумкин.

Ушбу ҳадисдан олиндиган фойдалар:

1. Мустаҳоза аёл масжидда эътикоф ўтириши мумкинлиги. Зотан, масжиддан бошқа жойда эътикоф ўтирилмайди.
2. Истеҳозанинг қони сарғиш ва қизғиш бўлиши.
3. Мустаҳоза аёлдан қон масжидга томиш эҳтимоли бўлса, остига нарса қўйиб, намоз ўқиши мумкин.

**«Ҳадис ва ҳаёт» китобининг 4-жузи асосида тайёрланди.**

Ушбу китоб Ўзбекистон Республикаси Дин ишлари бўйича қўмитанинг 2022 йил 18 февралдаги 03-07/1102-рақамли хулосаси асосида чоп этилган.